



SOALAN

Apakah yang dikatakan adverb itu?

Oleh: Fatin Liyana,
P4, Sekolah Rendah St Hildas

JAWAPAN

Adverb atau adverba (kata keterangan) itu ialah kata yang menerangkan kata kerja, kata adjektif dan kata keterangan yang lain. Kata keterangan ini boleh dibahagikan kepada beberapa bahagian. Antaranya:

1. Kata Keterangan Cara
Digunakan untuk menerangkan cara. Ayat contoh:
 - Jika kamu berbuat **begini**, tentu nama baik keluargamu akan tercemar.
 - Dia berkata **demikian** untuk menyenangkan hati orang tuanya.
 - Kalau anda berbuat **begitu**, ketua kita tentu marah.
2. Kata Keterangan Masa
Digunakan untuk menerangkan masa. Ayat Contoh:
 - Dia **selalu** berdusta.
 - Kakak **sedang** menjemur pakaian.
 - Dia singgah **sebentar** ke rumah datuknya.
3. Kata Keterangan Tanya
Digunakan untuk menanyakan cara, masa, keadaan, dan sebab. Ayat Contoh:
 - **Bagaimana** kah anda boleh sampai ke puncak gunung itu?
 - **Bila** kah keputusan pilihan raya itu akan dimumkan?
 - **Mengapa** kah kamu sebarkan surat fitnah itu?
4. Kata Keterangan Darjah
Digunakan untuk menerangkan kata adjektif. Ayat Contoh:
 - Latihan Matematik itu **amat** sukar.
 - Walaupun **agak** kecil, rumah itu comel.
 - Perigi di belakang rumah penghulu itu dalam **sungguh**.
5. Kata Keterangan Tak Tentu
Digunakan untuk menerangkan sesuatu yang belum pasti. Ayat Contoh:
 - Sayid belum menunaikan solat Zuhur, **agaknya**.
 - **Mungkin**, dia belum menerima warkah itu.
 - **Barangkali**, dialah yang mencuri wang saya.

6. Kata Keterangan Nafi

Digunakan untuk menafikan sesuatu. Ayat Contoh:

- Lelaki itu **bukan** pegawai polis.
- Saya **tidak** menemuinya, pagi tadi.

Panduan:

Kata Keterangan *saja*, *juga* dan *lagi* tidak boleh diletakkan di depan frasa nama, frasa sendi, frasa adjektif dan frasa kerja.

- * Kakak saya juga guru.
---> Kakak saya guru **juga**.
- * Dia juga ke Universiti Oxford.
---> Dia ke Universiti Oxford **juga**.
- * Budak itu saja menangis.
---> Budak itu menangis **saja**.
- * Pengetua sekolah lagi datang.
---> Pengetua sekolah datang **lagi**.
- * Kami juga gembira mendengar keputusan peperiksaan itu.
---> Kami gembira **juga** mendengar keputusan peperiksaan itu.